

Phuket

Ha ja gwüsst, wie's ungefähr sii wird det, aber da min Flug vo da isch und i d'möglichkeit ha dä Manu und d'Niicole nomal z'gseh, ha i min Flug umbuechet und min Uufenthalt verlängeret!

Phuket, bzw, Patong cha mer öpe so beschriebe:

- Manne mit Bierbüch
- Fraue, obohne mit lampige Brüst
- viel Bar's mit Thai Fraue wo mer sozäge chaufe cha
- älteri Manne in begleitig vo Thai Fraue
- viel Wassertöff usw.
- dä ganz Strand isch voll Liegestühel und Schirm
- Priese sind recht höch, wills da viel Tourischte hät wo da nur Ferie mached und so blöod sind und jede Priis zahled.

S'isch also nid so das wo i bevorzuge, bsunders nid nach Phi Phi wo so schön und ruhig gsii isch!

Mis Hotel isch eigentlich schön, usser das es mi chli an en Spital erinneret, wenn i dä Gang entlang lauf, ziemli kahl. S'Zimmer isch schön, aber wett nid wüsse was die im Zimmer nebed drah letst Nacht tribä händ, isch recht luut und eidütig gsi.

Ha no die beide Canadierinne vo Phi Phi wieder troffä! Isch scho no läss wie mer immer wieder Lüüt gseht, wo mer scho mal troffe hät. Ha au endli mal mini Angst überwunde und en Roller gmietet, zwar scho chli mit mulmigem gfühl!! Isch ganz komisch mal wieder selber z'fahre und denn erscht no mit Links-verkehr.